

<b>Adroddiad i'r:</b>	<b>Pwyllgor Archwilio Partneriaethau</b>
<b>Dyddiad y Cyfarfod:</b>	<b>7 Tachwedd 2013</b>
<b>Aelod/ Swyddog Arweiniol:</b>	<b>Pennaeth y Gwasanaethau Plant a Theuluoedd/ Aelod Arweiniol Gofal Cymdeithasol a Gwasanaethau Plant</b>
<b>Awdur yr Adroddiad:</b>	<b>Rheolwr Busnes, Bwrdd Lleol Diogelu Plant Conwy a Sir Ddinbych (BLIDP)</b>
<b>Teitl</b>	<b>Adroddiad Blynyddol Bwrdd Lleol Diogelu Plant Conwy a Sir Ddinbych a diweddariad ynglŷn ag integreiddio Byrddau Lleol Diogelu Plant Gogledd Cymru.</b>

---

## **1. Am beth mae'r adroddiad yn sôn?**

1.1 Mae adroddiad blynyddol Bwrdd Lleol Diogelu Plant Conwy a Sir Ddinbych (BLIDP) wedi'i atodi i'r adroddiad eglurhaol hwn (Atodiad 1). Mae'r Adroddiad Blynyddol mewn dwy ran. Mae rhan un yn darparu trosolwg bras o swyddogaeth Bwrdd Lleol Diogelu Plant Conwy a Sir Ddinbych (BLIDP), gan gynnwys y trefniadau llywodraethu a threfniadau ariannol. Mae'r rhan hon hefyd yn darparu crynodeb o flaenoriaethau allweddol y BLIDP ar gyfer 2012-13, a'r llwyddiannau yn erbyn y blaenoriaethau hynny. Mae adrannau 4.2 i 4.5 yr adroddiad eglurhaol hwn yn crynhoi pwyntiau allweddol yr Adroddiad Blynyddol.

1.2 Mae adroddiad pellach wedi'i ddarparu (Atodiad 2) i hysbysu'r Aelodau ynglŷn â'r cynnydd a wnaed i integreiddio a chydlynu Byrddau Lleol Diogelu Plant Gogledd Cymru.

## **2. Beth yw'r rheswm dros lunio'r adroddiad hwn?**

2.1 Mae'r adroddiad yn darparu'r wybodaeth sydd ei angen ar yr awdurdod lleol er mwyn gallu rhyddau eu cyfrifoldeb i sicrhau fod y BLIDP yn cael ei sefydlu'n gywir ac yn gweithio'n effeithiol. Mae Adran 4.24 o ganllawiau Llywodraeth Cynulliad Cymru 'Diogelu Plant: Gweithio gyda'n gilydd o dan Ddeddf Plant 2004' yn nodi:

"Dylai bod pob awdurdod lleol yn arwain y cyfrifoldeb i sefydlu a gweithredu Byrddau Lleol Diogelu Plant yn effeithiol, er mai asiantaethau cyfansoddol sy'n gyfrifol am gyfrannu'n llawn ac yn effeithiol at waith y BLIDP.

## **3. Beth yw'r Argymhellion?**

3.1 Bod y Pwyllgor yn craffu'r adroddiad ac yn gwneud argymhellion am unrhyw faterion sy'n codi.

#### **4. Manylion am yr Adroddiad**

- 4.1 Canolbwyntiodd y BLIDP ar gyflawni yn erbyn pedair blaenoriaeth allweddol yn ystod 2012-13, gyda gwaith yn parhau ar ddwy flaenoriaeth bellach a nodwyd y flwyddyn flaenorol. Cyflawnodd yr hyn a fwriadwyd ar 74% (14) o'u tasgau, gyda 21% (4) yn parhau. Effeithiwyd ar y perfformiad oherwydd oedi yng nghyflawni'r arferion ymgynghori a gynlluniwyd, gan olygu nad oedd modd trawsnewid yr ymarferion yn weithredoedd o fewn y terfynau amser a gynlluniwyd. Ni wnaed unrhyw gynnydd ar 5% (1) tasg i ddechrau gwneud gwelliannau i ddarpariaeth Cam-drin Domestig. Mae gwaith yn parhau ar dasgau sydd heb eu cyflawni.
- 4.2 Mae aelodaeth y BLIDP yn dda, ac mae'r aelodaeth wedi bod yn sefydlog dros y flwyddyn ddiwethaf. Ar 68%, roedd presenoldeb aelodau'r Bwrdd neu eu dirprwyon yn is na'r targed o 75%, ac yn is na'r llynedd. Y rheswm pennaf am hyn oedd ymgysylltu gwael Tai, a salwch hir dymor un aelod o'r Bwrdd. Roedd presenoldeb yn yr is-grwpiau yn is na'r targed ar 69%, ond roedd hyn yn welliant o'i gymharu â'r blynyddoedd blaenorol. Mae presenoldeb yn cael ei fonitro a'i adrodd yn rheolaidd er mwyn canfod a datrys unrhyw faterion presenoldeb.
- 4.3 Gofynnodd y BLIDP am gyfraniadau o £60,000 gan bartneriaid yn ystod 2012-13. Ar ôl ychydig o drafod, a chefnogaeth gan Aelodau Etholedig, cytunodd yr holl asiantaethau i dalu'r swm a ofynnwyd heblaw am Brawf Cymru. Cyfyngodd Prawf Cymru eu cyfraniad i ganran cenedlaethol o gyllideb y BLIDP, a chyfrannu £273 yn llai na'r £1,800 a ofynnwyd ganddynt.
- 4.4 Mae'r BLIDP yn cynnal proses hunanasesu blynyddol. Dangosodd yr hunanasesiad a gynhaliwyd ym mis Tachwedd 2012 fod gwelliant parhaus o'i gymharu â'r blynyddoedd blaenorol, a bod meysydd gwan wedi'u nodi fel gweithredoedd ar gyfer cynllun busnes 2013-14.
- 4.5 Nodwedd sylweddol o hanner cyntaf 2013-14 oedd parhau i ddatblygu ymagweddau rhanbarthol o waith y BLIDP. Cytunodd Bwrdd Rhanbarthol Diogelu Plant yn gyflym ar bedwar maes gwaith fyddai'n elwa o ymagwedd ranbarthol, a phenderfynu y dylid sefydlu is-grwpiau rhanbarthol i symud y gwaith yn ei flaen. Yr is-grwpiau rhanbarthol yw:
- Adolygiadau Ymarfer Plant
  - Cyfathrebu ac Ymgynghori
  - Polisiâu a Gweithdrefnau
  - Hyfforddiant a Datblygu'r Gweithlu
- Mae trafodaethau'n parhau o ran rôl a llywodraethu'r Bwrdd Rhanbarthol a'u perthynas gyda'r trefniadau lleol.

#### **5. Sut mae'r penderfyniad yn cyfrannu at y Blaenoriaethau Corfforaethol?**

Mae Diogelu Plant yn flaenoriaeth fawr i bawb. Mae Bwrdd Lleol Diogelu Plant effeithiol yn cyfrannu ar yr amcan hwn drwy sicrhau bod asiantaethau yn gweithio gyda'i gilydd i gadw plant yn ddiogel rhag cam-drin ac amddifadedd. Mae'r maes hwn o waith yn cyfrannu at ganlyniad 7 Cynllun Mawr Sir Ddinbych: cadw pobl yn ddiogel,

## **6. Beth fydd yn ei gostio a sut bydd yn effeithio ar wasanaethau eraill?**

Mae'r Bwrdd Lleol Diogelu Plant yn bartneriaeth statudol, ac yn cael ei ariannu gan gyfraniadau gan bartneriaid statudol.

## **7. Beth yw prif gasgliadau'r Asesiad o Effaith ar Gydraddoldeb a gynhaliwyd am y penderfyniad? Dylid cynnwys yr Asesiad o Effaith ar Gydraddoldeb fel atodiad i'r Adroddiad.**

Bydd unrhyw newidiadau i wasanaethau sy'n deillio o ganlyniad i weithgarwch neu benderfyniadau'r BLIDP yn cael eu gweithredu gan asiantaethau cyfansoddol, lle y bydd Asesiad o Effaith ar Gydraddoldeb yn cael ei gyflawni.

## **8. Pa ymgynghoriadau a gynhaliwyd gydag Archwilio ac eraill?**

Mae'r adroddiad hwn yn fecanwaith er mwyn ymgynghori ag archwilio.

## **9. Datganiad y Prif Swyddog Cyllid**

Mae'r Bwrdd Lleol Diogelu Plant yn bartneriaeth statudol, ac yn cael ei ariannu gan gyfraniadau gan bartneriaid statudol

## **10. Pa risgiau sy'n bodoli ac a oes unrhyw beth y gallwn ei wneud i'w lleihau?**

Y risg mwyaf i'r BLIDP a'r awdurdod lleol yw perygl digwyddiad difrifol sy'n canfod bod y BLIDP neu un neu fwy o'u hasiantaethau partner wedi methu yn eu dyletswydd i ddiogelu plant. Ym myd gofal cymdeithasol nid oes y fath beth a dim risg, mae gwaith y BLIDP yn anelu i sicrhau fod yr asiantaethau partner yn cymryd pob cam rhesymol i ddiogelu plant.

## **11. Pŵer i wneud y Penderfyniad**

Mae Adran 4.24 o ganllawiau Llywodraeth Cynulliad Cymru 'Diogelu Plant: Gweithio gyda'n Gilydd o dan Ddeddf Plant 2004' yn nodi:

“Dylai bod pob awdurdod lleol yn arwain y cyfrifoldeb i sefydlu a gweithredu Byrddau Lleol Diogelu Plant yn effeithiol, er mai asiantaethau cyfansoddol sy'n gyfrifol am gyfrannu'n llawn ac yn effeithiol at waith y BLIDP”

Mae erthyglau 6.1 a 6.3.4 (d) yn amlinellu pwerau a chyfrifoldebau archwilio mewn perthynas â BLIDP.

### **Swyddog Cyswllt:**

Rheolwr Busnes BLIDP Conwy a Sir Ddinbych

Ffôn: 07768 043315